



UPRAVA

Broj: 03-03-01-025/19

Sarajevo, 20.05.2019. godine

Na osnovu člana 64. stav 1., tačka b. i člana 70. stav 1.,3. i 6. Zakona o javnim nabavkama („Službeni glasnik BiH“ broj 39/14), člana 8. Pravilnika o uspostavljanju i radu komisije za nabavke („Službeni glasnik BiH“ broj 103/14), Pravilnika o postupku nabavke broj PR/SN/01 od 24.02.2015. godine, na Preporuku Komisije za javnu nabavku broj: 10-1/2019/5 od 17.05.2019. godine, direktor donosi:

ODLUKU

- o poništenju postupka javne nabavke -

JNR 10-1/2019 – NABAVKA ČELIČNIH CIJEVI I ČELIČNIH FITINGA ZA ZAVARIVANJE

Član 1.

Poništava se postupak javne nabavke JNR 10-1/2019 – Nabavka čeličnih cijevi i čeličnih fittinga za zavarivanje, u skladu sa članom 69. stav 1 tačka b. Zakona o javnim nabavkama.

Član 2.

Ova odluka će biti objavljena na web-stranici www.toplanesarajevo.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

Član 3.

Za izvršenje ove odluke zadužuje se i ovlašćuje Služba nabavke.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 03-03-01-385/19 od 02.04.2019. godine.

Javna nabavka je provedena putem **otvorenog postupka**.

Obavještenje o nabavci broj: 160-1-1-91-3-71/19 poslato je na objavu dana 03.04.2019. godine, a objavljeno je na Portalu javnih nabavki BiH dana 03.04.2019. godine u 15:50 sati.

Komisija za javnu nabavku imenovana je Odlukom broj: 03-03-01-386/19 od 12.04.2019. godine.

Nakon isteka roka za preuzimanje, tendersku dokumentaciju je preuzelo 16 (šesnaest) ponuđača (u prilogu Izvještaj o preuzimanju tenderske dokumentacije od strane ponuđača sa Portala javnih nabavki BiH www.ejn.gov.ba).



Nakon isteka roka za podnošenje ponuda evidentirano je da su putem protokola u zatvorenoj koverti pristigle sljedeće ponude:

1. „KRAMER & BEST“ d.o.o. Tuzla, broj protokola 1897/19 datum 25.04.2019. godine u 08:35 sati
2. „TREASURE“ d.o.o. Zenica, broj protokola 1898/19 datum 25.04.2019. godine u 08:55 sati
3. „FERHEM“ d.o.o. Lukavac, broj protokola 1902/19 datum 25.04.2019. godine u 10:06 sati

Dana 25.04.2019. godine u 14:00 sati, Komisija za javnu nabavku je izvršila javno otvaranje pristiglih ponuda sačinivši o tome Zapisnik sa otvaranja ponuda, te shodno članu 65. Zakona o javnim nabavkama, izvršila pregled i ocjenu pristiglih ponuda.

Tenderskom dokumentacijom predviđeno je zakazivanje e – aukcije. Prije zakazivanja e – aukcije, Komisija je pristupila vrednovanju prihvatljivih ponuda prema utvrđenom kriteriju „**najniža cijena**“, te utvrdila rang listu prihvatljivih ponuda / ponuđača, kako slijedi:

1. „KRAMER & BEST“ d.o.o. Tuzla,
sa ukupnom cijenom ponude u iznosu od **142.474,40 KM** bez uračunatog PDV-a
2. „FERHEM“ d.o.o. Lukavac,
sa ukupnom cijenom ponude u iznosu od **170.608,04 KM** bez uračunatog PDV-a
3. „TREASURE“ d.o.o. Zenica
sa ukupnom cijenom ponude u iznosu od **189.629,60 KM** bez uračunatog PDV-a

E – aukcija je zakazana 09.05.2019. godine u 14:30 sati a završena u 15:20 sati, nakon čega je rang lista prihvatljivih ponuda / ponuđača sljedeća:

1. „KRAMER & BEST“ d.o.o. Tuzla,
sa ukupnom cijenom ponude u iznosu od **131.900,00 KM** bez uračunatog PDV-a
2. „FERHEM“ d.o.o. Lukavac,
sa ukupnom cijenom ponude u iznosu od **132.057,00 KM** bez uračunatog PDV-a
3. „TREASURE“ d.o.o. Zenica,
sa ukupnom cijenom ponude u iznosu od **132.057,00 KM** bez uračunatog PDV-a

Nakon završene e – aukcije, prilikom procentualnog umanjivanja cijena, shodno članu 8. stav 3. Pravilnika o uslovima i načinu korištenja e-aukcije, Komisija za javnu nabavku je uočila propust kod prijavljene cijene za e-aukciju kod ponuđača „KRAMER & BEST“ d.o.o. Tuzla, odnosno prilikom evaluacije ponuda Komisija za javnu nabavku je propustila, u ukupnu cijenu ponude, uvrstiti iznos od 5 % predviđen za eventualne naknadne potrebe.

U želji da uspješno okonča predmetni postupak, shodno članu 7. Pravilnika o uslovima i načinu korištenja e-aukcije, Služba nabavke se, dana 09.05.2019. godine, obratila Agenciji za javne nabavke sa zahtjevom za ponovnim zakazivanjem e-aukcije, na koji je Agencija za javne nabavke, dana 16.05.2019. godine, dopisom broj: 04-02-1-1434-2/19 od 15.05.2019. godine, odgovorila da nisu ispunjeni uslovi za ponovno zakazivanje e-aukcije.

Komisija za javnu nabavku dostavila je dana 17.05.2019. godine preporuku o poništenju postupka javne nabavke broj: 10-1/2019/5 od 17.05.2019. godine zajedno sa izvještajem o radu broj: 10-1/2019/4 od 17.05.2019. godine, zapisnikom o pregledu i ocjeni ponuda prije e – aukcije broj: 10-1/2019/3-1 od 07.05.2019. godine i zapisnikom o pregledu i ocjeni ponuda nakon e – aukcije broj: 10-1/2019/3-2 od 17.05.2019. godine, u postupku javne nabavke nabavka čeličnih cijevi i čeličnih fittinga za zavarivanje – JNR 10-1/2019.



Polazeći od gore navedenih konstatacija, u skladu sa članom 69. stav 1 tačka b. Zakona o javnim nabavkama, ugovorni organ poništava postupak javne nabavke, zbog naknadno uočene nepravilnosti odnosno greške prilikom evaluacije ponuda.

Prema Zakonu o javnim nabavkama i Pravilniku o postupku nabavke broj: PR/SN/01 od 24.02.2015. godine, odlučeno je kao u članu 1. ove odluke.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Direktor
Admir Džubur

FE
[Handwritten signature]

Dostaviti:

1. Ponuđaču: „KRAMER & BEST“ d.o.o. Tuzla
2. Ponuđaču: „TREASURE“ d.o.o. Zenica
3. Ponuđaču: „FERHEM“ d.o.o. Lukavac
4. Službi nabavke a/a